

¡BOMBA!

La reunión con empresarios resultó de lo mejor: dólares, los necesarios, y llamó el embajador



K'uintsil

Miércoles 16 de octubre de 2024

CAMPECHE · YUCATÁN · QUINTANA ROO · AÑO 10 · NÚMERO 2342 · www.lajornadamaya.mx

Ku tukulta'ale' yaan u chíikpajal samalsam tu'ux ma' jach suuk u yila'ali' ikil u *k'áaxal k'iin*



▲ Oochel Reuters

Te'el k'iino'oba' táan u páa'taal u yila'al uláak' samalsam, wa aurora boreal, tu'ux ma' jach suuk u yila'alo'obi, ikil u *k'áaxal k'iin*, wa u yúuchul le ku k'aaba'tik tormentas solares, a'alab le martes máanika' tumen espacial meteorólogos.

U k'aamil le tormentas solares te'el ja'aba', ts'o'ok u beetik u leelem saasil te'el ka'ano' maas jach noojol ti' le suuk u yila'alo', le beetike' ku

chíikpajal samal chak, noox ch'ooj, ya'ax yéetel ch'ooj te'el ka'ano'.

Walkila' k'iine', ti' yaan tu maas nojoch faseil ichil u cicloil 11 ja'abo'ob, le beetik túune' maas mantats' u wáak'al u ba'alumbáaj k'iin yéetel auroras boreales, wa samalsam. Ichil ba'ax a'alab tumen NASA yéetel Oficina Nacional de Administración Oceánica y Atmosférica de Estados

Unidos (NOAA yóok'olal bix u k'aaba' ich inglés), tukulta'an le jats k'iino'ob je'ela' yaan u xáantal kex uláak' jump'éeel ja'ab, kex ma' ojéela'an ba'ax k'iin kéen maas jach táaj piimchajak, tak tu jo'olaj jayp'éeel winalo'ob.

Ciclo solare' ku beetik u saasichajal ka'an maas te'el noojolo', ts'o'oke' m'iin je'el u yantal uláak' saasil'obe', tu ya'alaj Kelly Korreck, ti' u mola'ayil NASA.

"M'iin ti' le winalo'ob ku taala', yaan u yantal uláak' jats'uts ba'alo'ob ti'al cha'antbil", tu ya'alaj.

U yúuchul tormentas beya', je'el u beetik u xóot'ol u muuk'il u meyajsaasil, yéetel le ku meyaj ti'al comunicaciones. Ma'ili' wáak'ak u ba'alumbáaj k'iine', NOAA' yaan u yáax a'alik ti' máaxo'ob ku meyaj te'el centrales elektrikasó' yéetel tu nabesil espasyaalo'obo'.